

ԾԱՏՈՒՐ ԱՂԱՅԱՆ

1982 թ. դեկտեմբերի 3-ին կյանքի 71-րդ տարում հանկարծամահ եղավ սովետահայ անվանի պատմաբան, պատմական գիտությունների դոկտոր, պրոֆեսոր, ՀՍՍՀ գիտությունների ակադեմիայի ակադեմիկոս, գիտության վաստակավոր գործիչ Ծատուր Պավելի Աղայանը:

Ծ. Պ. Աղայանը ծնվել է 1911 թ. դեկտեմբերի 30-ին Ներկայիս Ադրբեջանական ՍՍՀ Դաշքեսանի շրջանի Փիլի (Ջազիկ) գյուղում, երկրագործի ընտանիքում: 1917 թ. Աղայանների ընտանիքը տեղափոխվում է Շամխորի շրջանի Գուլիցինո (այժմ Մարտունի) գյուղը և այնտեղ մշտական բնակություն հաստատում:

1930 թ. ավարտելով Գյանջայի (այժմ Կիրովաբադ) մանկավարժական Պոլիտեխնիկումը, Աղայանը անցնում է մանկավարժական աշխատանքի Շամխորի շրջանի Մարտունի, Ջադիր և Չարդախլու գյուղերի դպրոցներում որպես ուսուցիչ և ուսմասվար:

1933 թ. Ծ. Պ. Աղայանը ընդունվում է Մոսկվայի պատմափիլիսոփայական-գրական ինստիտուտը և 1937 թ. ավարտում նրա պատմության ֆակուլտետը: Միաժամանակ էքստերն կարգով ավարտում է նաև Երևանի հեռակա մանկավարժական ինստիտուտի պատմության ֆակուլտետը: Այնուհետև կրկին անոնում է մանկավարժական աշխատանքի Լեռնային Ղարաբաղում և Բաքվում՝ որպես միջնակարգ դպրոցների պատմության ուսուցիչ, ուսմասվար, շրջանային լուսբաժնի տեսուչ և ապա մարզային լուսբաժնի մեթոդկաբեինետի վարիչ:

1938 թ. Աղայանը ընդունվում է Մոսկվայի Լոմոնոսովի անվան պետական համալսարանի ասպիրանտուրան՝ ՍՍՀՄ ժողովուրդների պատմության մասնագիտության գծով: 1941 թ. հունիսին հաջողությամբ պաշտպանում է թեկնածուական դիսերտացիան, ստանում պատմական գիտությունների թեկնածուի գիտական աստիճան և անցնում գիտամանկավարժական աշխատանքի Բաքվում: Այստեղ նա վարում է Վ. Ի. Լենինի անվան մանկավարժական ինստիտուտի հայկական բաժնի պրոռեկտորի պաշտոնը, դասախոսություններ կարդում նույն ինստիտուտի և Ադրբեջանի Կիրովի անվան պետական համալսարանում: Միաժամանակ գիտահետազոտական

աշխատանք է կատարում Ադրբեջանական ՍՍՀ ԳԱ պատմության ինստիտուտում՝ ղեկավարելով ավագ գիտաշխատողի և գիտական քարտուղարի պաշտոնները:



1948 թ. հունվարին Աղայանը Մոսկվայի Լոմոնոսովի անվան պետական համալսարանում հաջողությամբ պաշտպանեց «1870 թ. գյուղացիական ռեֆորմը Ադրբեջանում» թեմայով դոկտորական դիսերտացիան և ստացավ պատմական գիտությունների դոկտորի գիտական աստիճան, իսկ Լեռնու տարի հետո՝ նաև պրոֆեսորի կոչում:

1948 թ. Աղայանը Բաքվից տեղափոխվում է Երևան: Այստեղ նա նշանակվում է ՀՍՍՀ ԳԱ պատմության ինստիտուտի սովետական հասարակարգի պատմության բաժնի վարիչ: Միաժամանակ աշխատում է Երևանի պետական համալսարանում և Խ. Աբովյանի անվան մանկավարժական ինստիտուտում: 1950 թ. ընտրվում է ՀՍՍՀ ԳԱ թղթակից անդամ և նշանակվում ՍՄԿԿ ԿԿ-ին կից մարքսիզմ-լենինիզմի ինստիտուտի հայկական ֆիլիալի դիրեկտորի գիտա-

կան դժուվ տեղակալ: 1950—1954 թթ. Աղայանը եղել է Հայաստանի կոմունիստական կուսակցության Կենտկոմի գիտություն և կուլտուրայի բաժնի վարիչ: 1954—1961 թթ. ղեկավարել է Հայաստանի ԳԱ պատմության ինստիտուտի նոր պատմության բաժինը: 1961—1968 թթ. վարել է ՍՄԿԿ Կենտկոմին կից մարքսիզմ-լենինիզմի ինստիտուտի հայկական ֆիլիալի գիտնականների պաշտոնը: 1968 թ. ընտրվել է ՀՍՍՀ ԳԱ ակադեմիկոս և ակադեմիայի հասարակական գիտությունների բաժանմունքի ակադեմիկոս քարտուղար: 1979 թ. մինչև իր կյանքի վերջը գլխավորել է Երևանի պետական համալսարանի կուսակցության պատմության ամբիոնը:

Աղայանի գրչին են պատկանում բազմաթիվ աշխատություններ, որոնք ընդգրկում են հայ ժողովրդի պատմության XIX և XX դդ. կարևոր պորբերները, ինչպես նաև Անդրկովկասի եղբայրական ժողովուրդների դարավոր բարեկամության պատմության, այդ ժողովուրդների անցյալի ականավոր դեմքերի գործունեության, պատմության հանգուցային շրջանների ու դեպքերի, իրադարձությունների գիտական լուսաբանումը:

Մ. Պ. Աղայանը ղգալի դեր է կատարել հայ ժողովրդի պատմության կարևորագույն շրջաններին նվիրված փաստաթղթերի ժողովածուներ կազմելու և դպրոցական դասագրքեր գրելու գործում: Խմբագրել է բազմաթիվ գրքեր, ժողովածուներ և ՀՍՍՀ ԳԱ հասարակական գիտությունների «Տեղեկագիրը»:

Աղայանը ղգալի ավանդ ունի երիտասարդ գիտական կադրերի պատրաստման ասպարեզում:

Նրա ղեկավարությամբ թեկնածուական դիսերտացիաներ են պաշտպանել 50-ից ավելի ասպիրանտներ, որոնցից 10-ը պաշտպանել են նաև դոկտորական դիսերտացիաներ:

Մ. Պ. Աղայանը խոշոր ծառայություն ունի սովետական պատմագիտության նվաճումների բանավոր պրոպագանդան, նրա մարքսիստական սկզբունքների պաշտպանման ասպարեզում: Նա բազմիցս հանդես է եկել գեկուցումներով ու ելույթներով պատմագիտության տարբեր հարցերի շուրջ:

Աղայանը հասարակական ակտիվ գործիչ էր: Բաղմակողմանի դիտական աշխատանքը նա հաջողությամբ զուգորդում էր կուսակցական, հասարակական պարտականությունների ու հանձնարարությունների հետ: Նա 1950—1954 թթ. եղել է Հայաստանի կոմունիստական կուսակցության Կենտկոմի անդամության թեկնածու, 1963—1971 թթ.՝ Կենտկոմի անդամ, Հայկական ՍՍՀ Գերագույն սովետի դեպուտատ, 1971—1981 թթ.՝ Հայաստանի կոմկուսի Կենտկոմի վերստուգիչ հանձնաժողովի անդամ: Նա գործուն մասնակցություն ուներ «Գիտելիք» ընկերության աշխատանքին, հաճախակի դասախոսություններ ու ղեկուցումներ էր կարդում հանրապետության աշխատավորների ու մտավորականների համար:

Մ. Պ. Աղայանի բազմակողմանի ու արդյունավետ աշխատանքը բարձր է գնահատվել մեր կուսակցության և կառավարության կողմից: Նա պարգևատրվել է «Աշխատանքային կարմիր դրոշի» և «Պատվո Նշան» շքանշաններով և մի շարք մեդալներով ու պատվոգրերով:

Ն. Ա. ԹԱՎԱԲԱՅԱՆ